

壽昌縣志

天文志 星野 祥異

周官保章氏以星土辨九州之地所封封域皆有分星以觀妖祥蓋形成於地象昭於天政治有得失祥異各以類應仰觀俯察有修省之道焉志天文第一

星野

(左傳)昭公三十二年吳伐越晉史墨曰越得歲而吳伐之必受其凶鄭康成云天文分野斗主吳牽牛主越此年歲星在牽牛故吳伐之凶

(史記天官書)牽牛婺女揚州

壽昌縣志

卷一

天文志 星野

一

金華大同印務局代印

(漢書地理志)吳地斗分野也今之會稽吳分也

(後漢書郡國志註)帝王世紀曰自斗十一度至婺女七度一名須女曰星紀之次今吳越分野

(晉書天文志)自南斗十二度至須女七度為星紀吳越之分野屬揚州(又云)斗牽牛須女吳越揚州會稽入牛一度

(春秋元命包)牽牛流於揚州

(張衡周天大象賦)瞻須女之繒室奄開邦於會稽

(內緯秘言)牛二度嚴州建德淳安桐廬三縣入三分之一女初度遂安壽昌分水三縣入八分之四

(明史)洪武十七年天文分野書成浙江布政司所屬之嚴州牛女分

(通鑑外紀)黃帝畫野分州得百里之國萬區以分星次是雖彈丸小邑亦有分野也自漢以來言象緯者畧異蓋天運有轉移窺察有遠近故言人人殊然大經終不易也壽昌古揚州境總不出乎星紀之外至於應分牛女何度術疎管窺不敢臆斷惟摘叙成書可考者以備觀覽

(浙江省地理志)壽昌縣治北緯二十九度二十四分東經二度五十五分

祥異 蠲卹附

宋

紹興間嚴州大水壽昌縣有一小山高八九丈隨水漂至五里外而四旁草木廬舍比水退皆不壞則此山殆空行而

過也

見宋陸放翁老學庵筆記

明

嘉靜十八年己亥山水泛溢人多溺死城鄉房屋漂沒者不可勝計庚子夏蝗甲辰乙巳丙午三歲連饑民掘草根以

爲食

舊志

萬歷三十九年歲豐麥有兩歧粟有兩穗知縣周幹採獻

見

壽昌縣志

卷一

天文志祥異

三

金華大同印務局代印

府志

崇禎十三年庚辰孟夏霖雨水溢入城淹沒民居甚衆一麥

無收仲夏大疫

參錄府舊二志

清

順治十七年蝗害稼次年秋大旱

見府志

康熙十年辛亥旱

舊志

雍正元二三年大豐自八九年至十三年

按府志係十一年

俱豐

乾隆元年丙辰至十一年丙寅歲俱大熟

見府志

乾隆十二年丁卯西北鄉南山洪發水流入縣城縣市會通

橋及西鄉大同永平橋皆衝塌廬舍間有漂沒旋蒙賑恤

并修建兩橋辛未夏秋偏災蠲賑並施民間含哺鼓腹若不知有災者

舊志

乾隆十六年辛未歷夏秋不雨禾苗枯槁南鄉較甚嗣蒙賑

給帑金米石計口撫卹並設法平糶凡城市鄉坊各設米

廠地方安堵百姓樂業

參錄府舊二志

道光十五年夏旱成災

咸豐二年夏四月 日午夜忽然地動人不自由致有已

睡而自牀傾覆者厨房覆碗琳琅有聲塘水皆翻湧移時

始平

咸豐八年二月初四日未時八都一夏家鎮石橋前坂忽陷

壽昌縣志

卷一

天文志
祥異

四

金華大同印務局代印

一穴廣畝許深不可測中有水噴出清濁互見同年三月十二日未時離橋里許夏家村邑增生夏謨家住屋正間房內地亦陷深三丈餘土填復陷人甚異之

光緒元年夏大旱勞村田野因旱成災計週圍五六里

光緒四年夏四月大雨十日山水泛濫平地水深三尺鄉間

廬舍田地多有漂沒者一切塌壩冲塌無存曾蒙撥給賑

濟銀洋壹千元

同年五月連朝靈雨水勢暴發橋梁路道多被冲坍沿溪

田禾冲淤不少

光緒五年旱災奉准於六年份地丁每兩蠲免銀洋壹角五

分同年七月大水勞村之後坂界郎昏百塌坂湖邊坂等處共約田壹千餘畝均被沖沒沿溪水碓民房亦成澤國
光緒二十一年二月十八日三都二等處雨雹大如雞卵油菜麥無收屋瓦多破碎

光緒二十四年五月初十日仁都一岳家庄一帶暴雨如注民房田畝半被漂沒按岳家庄徙居十數代傍山而居向無水厄至是人皆以爲出蛟縣令張培芳詣勘申詳撫卹民賴以安

光緒二十五年七月秋後十日霽雨連旬各處田稻盡皆發芽青嫩如秧不但偃仆者爲然卽豎而未仆者亦芽長一

二寸年歉收

光緒二十七年五月五日大雨連旬洪水暴漲直至十五日雨勢不止波濤泛濫漂去溪邊田無數沖沒塌壩殆盡民間房屋多有浸塌者溪口城山坂自萬福寺後塌開四十餘丈計闊尺許如刀裂開六月初三日辰巳時大雨傾盆霎時洪水陡發平地水深六七尺民間房屋多在水中淹沒者不可勝計牛羊犬豕亦多漂去幸申酉時水勢卽退否則沿溪一帶皆成澤國同年五月初十日城中水漲五六尺東鄉更樓鎮因新安江水湧入幾與街窗相埒高約丈餘損失甚鉅同年六月初三日未刻三都二常樂庄一

帶雨未甚大而水暴漲爲從前所未見先期近地謠傳獅子巖六月初三日出龍聞者多未之信至是果驗後見月嶺內山多崩陷龍轄迴源山亦然其水一齊湧至田禾多被漂沒

光緒三十年六月二十五日午時山洪暴發災被西華全區惟周村最烈屋宇冲塌不知其數男婦老幼隨波逐浪葬於魚腹者共計十一口橋梁冲毀頗多城西宋公礮石虹亦被冲圮曾由聶撫飭司撥給賑撫銀壹千兩

光緒三十四年北鄉周村等處水災壩堤冲塌城西宋公礮石墩亦被冲圮曾由馮撫飭司撥給洋壹千元以充修砌

壩堤之用

中華民國三年六月夏正閏五月不雨八月始雨田禾枯槁被災區域以西鄉爲最南鄉次之東北兩鄉城區又次之其時經省道各委會同縣知事履勘計災田二萬三千五百一十三畝六分四厘二毛請准蠲免田賦銀三千一百一十兩另五錢二分六厘歉田二萬二千三百六十四畝六分三厘准緩徵田賦銀二千九百五十八兩五錢二分七厘翌年春復由縣知事會同紳商籌設公糶局民食不至恐慌

民國六年一月二十四日(夏正正月初二日)上午八時十

六分四秒至八時十八分十秒地震當時竹竿有斜傾者
民國七年二月十三日(夏正正月初二日)下午二時十五
分二秒至二時十五分六秒地震懸壁字畫微月移動

民國八年五月間八都一夏家村下溪沿忽陷一穴方圓約
十餘丈穴水溶溶深不可測

民國八年八月初九日傍晚八都一夏家村前山巖高聳忽
崩裂無算聲如雷轟石大無比

民國十一年洪水成災勞村西門要道冲塌百有餘丈沿溪
一帶田園廬舍崩決甚多其要道旋由劉培源劉維新李
培英等先後勸募修復

民國十三年五月二十五日上午大雨傾盆蛟洪暴發水溢
入城深七八尺西門街道以簾渡人逃避民房市廛大半
淹沒南門外公立公衆運動場全被衝去東南角民房及
沿溪一帶田地亦多遭冲沒傍午水即漸退